

Վ. Հ. ՌՇՏՈՒՆԻ, Ուրվագծեր Հայաստանի գյուղացիության պատմության,
II մաս, «Լիտֆ» հրատարակչություն, Երևան, 1968, 276 էջ, գինը 1 ռուբ. 10 կոպ.

Երևանի պետական համալսարանի հրատարակչությունը վերջերս լույս ընծայեց պրոֆ. Վ. Հ. Ռշտունու «Ուրվագծեր Հայաստանի գյուղացիության պատմության» աշխատության երկրորդ մասը, որը նվիրված է կալվածատիրական գյուղացիության XIX դարի վերջին երեք տասնամյակի պատմությանը: Բազմազան գիտնականը, օգտագործելով առաջներում հրատարակած իր աշխատությունները և ի հայտ բերված նոր նյութերը, այս գրքում տալիս է Հայաստանում գյուղացիական ռեֆորմի նախապատրաստման, անցկացման և հետևանքների քննական տեսությունը, ապա անդրադառնում է կապիտալիզմի զարգացման պայմաններին և վերլուծում հասարակական հոսանքների դիրքորոշումը գյուղացիության հարցի նկատմամբ:

Հեղինակը նախապես շարադրում է 1861 թ. ռեֆորմի համառոտ պատմությունը, ապա նշում է, որ երկրի տնտեսական զարգացումն ու գյուղացիության դասակարգային պայքարի ակտիվացումը ստիպեցին ցարիզմին անցկացնել այդ ռեֆորմը նաև Անդրկովկասում: Ռեֆորմի նախագծի մշակման համար կազմվեցին զանազան հանձնաժողովներ, որոնց մեջ մտան տեղական ազնվականները կամ աղաները: Այդ հանձնաժողովների մշակած նախագիծը նախ հավանություն է արժանանում Կովկասի փոխարքայությունում, ապա խմբագրվում է կայսրության ղիսավոր կոմիտեում և վերջապես 1870 թ. մայիսի 14-ին հաստատվում ցարի կողմից ու ստանում օրենքի ուժ:

Վ. Ռշտունին հանգամանորեն վերլուծում է այդ օրենքը կամ, ինչպես ընդունված է ասել, 1870 թ. մայիսի 14-ի կանոնադրությունը: Կանոնադրությունը տարածվում էր Երևանի, Նիդա-վետպոլի ու Բաքվի նահանգների (կամ Հայաստանի ու Ադրբեջանի), ինչպես նաև Թիֆլիսի նահանգի Թիֆլիս, Բորչալու, Ախալքալաք և Ախալցխի զավառների վրա: Բացառություն էին կազմում Երևանի նահանգում ապրող այն մուլադարներն ու թիուղարները, որոնք չէին լիազանցվում այսպես կոչված մահմեդական բարձր դասին և որոնց հողերի վրա շինականներն ապրում էին նրանց կամավոր համաձայ-

նությամբ: Այլ կերպ ասած՝ օրենքը չէր տարածվում Հայաստանի հողատերերի մոտ 20 տոկոսի վրա: Ցարիզմը այդ կալվածատերերի ու նրանց հողերի վրա բնակվող շինականների հարաբերությունների մասին հատուկ կանոններ հաստատեց փոքր ինչ ու՝ 1875 և 1877 թթ.:

Վերլուծելով վերոհիշյալ կանոնադրության բովանդակությունը, պատմաբանը նշում է, որ այն ամենից առաջ որոշում էր հողի սեփականության հարցը, հողը սահմանում էր իբրև մուլադարների ու թիուղարների սեփականություն, իսկ գյուղացիները կարող են առայժմ օգտվել նրանից միայն բաժնեհողի սկզբունքով: Կանոնադրությունը կալվածատերերին թույլ էր տալիս իրենց ձեռքում պահել հողերի 1/3-ը, իսկ մնացածը հանձնել շինականների օգտագործմանը: Կանոնադրությամբ մուլադարներին իրավունք էր վերապահվում անտառները ամբողջությամբ վերցնել իրենց տնօրինության տակ, իսկ արոտավայրերից օգտվել գյուղացիների հետ համատեղ: Օրենքը սահմանում էր, որ շիշ նականները իրենց յուրաքանչյուր տղամարդու համար (15 տարեկանից ոչ պակաս) պետք է ստանան 5 դեսյատին բաժնեհող, ապա նշում էր, որ նրանք կարող են այդ հողամասը նվիրել, ժառանգել կամ վաճառել իրենց համագյուղացիներին, իսկ այգիներն ու բանջարանոցները՝ նույնիսկ այլ գյուղերի կամ գավառների բնակիչներին: Կանոնադրությունը հաստատում էր, որ կալվածատիրական գյուղացիները պետք է օգտվեն իրենց բաժնեհողերից ծխական եղանակով և արգելում էր դրանց պարբերաբար վերաբաժանումները:

Հեղինակը մերկացնում է ցարական օրենքի դասակարգային էությունը, նշելով, որ կանոնադրությունը հողատերերին իրավունք տվեց թալանելու գյուղացիներին: Հատկանշական է, որ կանոնադրությունը շինականներին հարկադրում էր ստացած բաժնեհողի դիմաց մուլադարներին կամ աղաներին վճարել իրենց բերքի 1/10-ը կամ 4/30-ը, իսկ ունեցած այգիների ու բանջարանոցների համար դրամ: Օրենքը շեշտում էր, որ գյուղացիները պարտավոր են ներշնչված հարկերն ու տուրքերը վճարել այնպիսի

ճշգրտությամբ, ինչպես վճարում են պետությամբ, հուսափողների կամ հրաժարվողների համար, նախատեսվում էին ծեծ, բանտարկություն և պատժի այլ ձևեր, որոնք պետք է իրագործեին տեղական իշխանությունները՝ կալվածատիրոջ պահանջով: Գիտնականը, ամփոփելով այդ ամենը, իրավացիորեն գրում է. «...կանոնադրությունը կալվածատիրոջ և կամուտներն անխախտ պահելու համար նրա տրամադրության տակ էր դնում հաշտարար միջնորդին և գյուղական իշխանությունը, որոնք գյուղացու նկատմամբ կիսաճորտական մի շարք բռնություններ գործադրելուց հետո, իրավունք էին ստանում կալվածատիրոջ պահանջով նաև հողագրկել պարտքի տակ բնկած գյուղացուն, տանից վտարել, գյուղական պրոլետարիատի դրության մատնել նրան կամ գործարանի ճամփան բացել նրա առաջ» (78):

Կանոնադրությունը գյուղացիներին թույլատրում էր փրկագներ իրենց բաժնեհողերը: Բայց դրա հետ մեկտեղ սահման էր դնում 7 դես. ոչ պակաս և 15 դես. ոչ ավելի: Բացի այդ, պետությունը շինականներին որևէ գումար չէր տալիս, գյուղացին բաժնեհողը պետք է փրկագներ իր միջոցներով: Եվ որովհետև ցարական իշխանությունները, ելնելով կալվածատերերի շահերից, բաժնեհողերը խիստ բարձր էին դնահատել, իսկ գյուղացիները այդչափ գումար չունեին, ուստի Հայաստանում ետեֆորմյան ամբողջ ժամանակաշրջանում, բնդհույ մինչև 1912 թ. փրկագներում համարյա տեղի չունեցավ:

Վ. Ռշտունին այնուհետև անդրադառնում է 1875 և 1877 թթ. կանոններին և վերլուծում հողային այն հարաբերությունները, որոնք սահմանվում էին մի կողմից՝ բարձր դասին չպատկանող հողատերերի ու թիւղղարների, իսկ մյուս կողմից՝ դրանց հողերի վրա ապրող գյուղացիների միջև: Նա ցույց է տալիս, որ 1877 թ. կանոնները, 1870 թ. մայիսի 14-ի կանոնադրության համեմատությամբ, իրենց բովանդակությամբ ավելի բուրժուական էին, որովհետև ավելի էին սահմանափակում կալվածատերերի իշխանությունը շինականների նկատմամբ, թեև նաեւ ցուցում վերջիններին վիճակը և նպաստում սեփական տնտեսություն ստեղծելու գործում: Բայց դա միայն համեմատաբար, քանի որ 1877 թ. կանոնները նույնպես գյուղում պահպանում էին միջնադարյան կարգերը:

Շեղինակը չի սահմանափակվում Հայաստանում անցկացրած գյուղացիական ռեֆորմի վերլուծումով: Իրա հետ միասին երևան է հանում նաև նրա առանձնահատկությունները: Ի տարբերություն Եվրոպական Ռուսաստանի, որտեղ ռեֆորմի պատճառները ուժեղ էին արտահայտվում, Անդրկովկասում դրանք համե-

մատարար թույլ էին դրսևորվում (իսկ Հայաստանում ավելի թույլ): Եվրոպական Ռուսաստանում և Վրաստանում ռեֆորմը վերացրեց ճորտատիրական իրավունքը, իսկ Հայաստանում չանդրադարձավ այդ հարցին, քանի որ այստեղ այն չկար: Եվրոպական Ռուսաստանում և Վրաստանում ռեֆորմը կալվածատերերին թույլատրեց իրենց ձեռքում պահել հողատարածությունների 1/2-ը և նույնիսկ ավելին, իսկ Հայաստանում՝ դրանց սոսկ 1/3-ը: Վրաստանում գյուղացին ստացավ փոքր, իսկ Հայաստանում՝ համեմատաբար մեծ բաժնեհող (Իֆլիսի նահանգում յուրաքանչյուր ծուխ ստանալու էր 5—10 դես., բայց փաստորեն ստացավ 3.7 դես. Փուլթիսի նահանգում՝ համապատասխանաբար 5 և 2,5 դես., իսկ Երևանի նահանգում՝ 15 և 5,7 դես.): Իրա հետ միասին պետք է նկատի ունենալ, որ Վրաստանում, եթե գյուղացին մեղքում էր անժառանգ, նրա բաժնեհողը անցնում է կալվածատիրոջը, իսկ Հայաստանում՝ համայնքին: Ռեֆորմը Եվրոպական Ռուսաստանում պահպանեց համայնական հողատիրությունը, իսկ Հայաստանում գրափոխարեն սահմանեց ծխականը: Առաջինում գյուղացիների վճարած հարկերն ու պարհակները ավելի շատ էին, իսկ երկրորդում՝ համեմատաբար քիչ: Եվրոպական Ռուսաստանում ու Վրաստանում շինականները առանց կալվածատիրոջ համաձայնության չէին կարող փրկագներ իրենց բաժնեհողերը, բայց Հայաստանում կարող էին: Եվրոպական Ռուսաստանում պահպանվեցին կալվածատիրոջ վտանգից իրավունքները, իսկ Հայաստանում, որտեղ դրանք մտցվել էին ցարական կառավարության կողմից XIX դարի 40-ական թթ., վերացվեցին: Եվրոպական Ռուսաստանում պետությունը օգնություն էր տալիս գյուղացիներին իրենց բաժնեհողերը փրկագներու համար, մինչդեռ Հայաստանում ու Անդրկովկասում չէր տալիս:

Շիմք ընդունելով այս առանձնահատկությունները և ղեկավարվելով 1861 թ. ռեֆորմի մասին Վ. Ի. Լենինի դրույթներով, պրոֆ. Վ. Շ. Ռշտունին դեռ 1940-ական թթ. իր աշխատություններից մեկում եկել էր այն եզրակացության, որ Հայաստանում գյուղացիական ռեֆորմի բովանդակությունը եղել է ավելի բուրժուական, քան Ռուսաստանում և Վրաստանում: Նրա կարծիքով նման եզրակացության հանգելուն չի լիանգարում նույնիսկ այն հանգամանքը, որ Հայաստանի գյուղացիները, ցարիզմի մեղքով, չեն կարողացել իրականացնել իրենց բաժնեհողերի հոգեւում, այսինքն՝ ղրկված են ևղել պետության օգնությունից: Գիտնականի այս եզրակացությունը այն ժամանակ քննադատվեց ակադ. Պրուժինի, իսկ հետագայում նաև սովետահայ

մի շարք պատասարանների ու տնտեսագետների կողմից¹։ Ներկա աշխատության մեջ Վ. Ռշտունին անդրադառնում է այդ հարցին և իրեն հատուկ բարեխղճությամբ ուղղում է սխալը, ինչպես դրում է. «Թեև լենինի նշած շորս կետում էլ Հայաստանի (նաև Ադրբեջանի) կալվածատիրական գյուղացիության բուրժուական տնտեսական ուղղությամբ դարդանալու գծերը, ըստ 1870 թ. կանոնադրության, ավելի շատ էին, քան ուսական, մանավանդ վրացական գյուղացիության համար, բայց ամբողջ Անդրկովկասում (Վրաստանն էլ հետո) ցարիզմը պայմաններ չստեղծեց, որ ինչպես լենինն է ասում, «ավելի ցած լինի ճորտատերերին տրվող տուրքը», այսինքն՝ իրագործվի հետգնումը և գյուղացին իր հողաբաժնի տերը դառնալու Այդ ամենը նշելուց հետո, այնուամենայնիվ, ես այն սխալ միտքն եմ զարգացրել, որ իբր թե «նույնիսկ հետգնման շրագործումը չի խանգարում խոսել Հայաստանի գյուղացիական ռեֆորմի ավելի բուրժուական բնույթի մասին ոչ միայն Վրաստանի, այլև նույնիսկ Ռուսաստանի համեմատությամբ» (181)։ Հեղինակային այս ճշտումը կարևոր նշանակություն ունի տվյալ հարցի գիտական լուծման համար։

Գիտականը այնուհետև անցնում է ռեֆորմի կիրառման հարցին և փորձում է որոշել ետ-ռեֆորմյան շրջանում կալվածատերերի ու գյուղացիների ունեցած հողատարածությունների չափերը։ Փաստական հարուստ նյութերով նա ցույց է տալիս, որ Հայաստանի կալվածատերերը նշված ժամանակաշրջանում իրենց ձեռքում պահեցին հողատարածությունների 1/2-ից ավելին, այսինքն՝ ավելի շատ, քան նախատեսվում էր 1870 թ. մայիսի 14-ի կանոնադրությունը։ Իսկ գյուղացիներին տրվեց շատ ավելի պակաս, քան ասվում էր այդ կանոնադրության մեջ (յուրաքանչյուր տնտեսություն ուներ 5,7 դես., այն դեպքում, երբ ռեֆորմը սմեն մի 15 տարեկանից բարձր տղամարդուն նախատեսում էր տալ 5 դես.)։ Հեղինակը կոնկրետ փաստերով ցույց է տալիս նաև, որ կալվածատերերը, չբավարարվելով իրենց այդ հափշտակումներով, հետագայում շարունակեցին բռնագրավել իրենց շինականների, անգամ սեփական գյուղացիների

բաժնեհողերը և ավելի սաստկացրին նրանց սակավահողությունը, դրա հետ միաժամանակ պահպանելով հողագործներից իրենց առնելիքների չափերը, նրանց նկատմամբ կիրառած արտատնտեսական հարկադրանքի զանազան ձևերը։ Իոների դրությունը ետռեֆորմյան գյուղում մնալ համարյա այնպես, ինչպես առաջ էր։

Պատմաբանը պարզում է Հայաստանի կալվածատիրական շրջանները և նշում, որ ինչպես աղայական հողատիրության ընդարձակությամբ, նույնպես և տերունական գյուղացիների բազմաբաժնե կուլթյամբ առաջին տեղը բռնում են Ջանգեզուրի ու Երևանի, ապա էջմիածնի և Լոռու և վերջապես, Նոր-Բայազետի ու Շարուր-Դարալագյազի գավառները։ Ինչ վերաբերում է Ալեքսանդրապոլի գավառին, ապա այստեղ չկար յալվածատիրական հողատիրություն։ Նա ցույց է տալիս, որ թեև հիշատակված գավառներում գյուղացիներն ընկած էին ֆեոդալական լծի տակ, այնուամենայնիվ ունեին տարբեր չափերի բաժնեհող և ենթարկվում էին տարբեր աստիճանի հարստահարման ու կեղեքման։ Հեղինակի այս ընդհանրացումը կարևոր նշանակություն ունի ոչ միայն գյուղացիների սոցիալ-տնտեսական դրության լուսաբանման, այլև երկրի տարբեր շրջանների միջև եղած տնտեսական տարբերությունները հասկանալու համար։

Պրոֆ. Վ. Հ. Ռշտունին այնուհետև ցույց է տալիս, որ ֆեոդալական հարաբերությունները ետռեֆորմյան Հայաստանում տասնյակ տարիներ մնալով համարյա անխախտ, XX դարի սկզբին, հեղափոխական շարժումների ազդեցության տակ, կրկին ենթարկվեցին կովկասյան իշխանությունների ուշադրությանը։ 1904 թ. գրեթե անվերջ կառավարչապետ Գուլիցինսկի ներկայացրեց մի նախագիծ, որով Անդրկովկասի, այդ թվում նաև Հայաստանի այսպես կոչված ժամանակավոր պարտավորյալ շինականներին առաջարկում էր ետ գնել իրենց բաժնեհողերը, կալվածատերերին մեծ գումար վճարելով։ Մեկ տարի անց Գուլիցինսկին փոխարինած Կովկասի փոխարքան, ձգտելով թուլացնել ծայրամասում հեղափոխական ելույթները, առաջարկեց առանց փրկավճարի վերացնել գյուղացիների կախյալ հարաբերությունները և այդ օրենքը, բացի Անդրկովկասի հինգ նահանգներից, տարածել նաև Ջաբաթլայի օկրուգի, Դաղստանի, էջմիածնի վանքապատկան գյուղացիների ու Բորչալուի խիզանների վրա։ Բայց կառավարությունը 1906 թ. քննելով այդ նախագիծը, ետ վերադարձրեց այն վերամշակելու համար։ 1910 թ. որոշ փոփոխություններից հետո փոխարքան իր նախագիծը կրկին ուղարկեց մայրաքաղաք։ Կառավարության քննարկումից և խմբագրական մի

¹ Ի դեպ, այդ քննադատությունը պետք է վերաբերել նաև պրոֆ. Մորոխովեցին, որը նույնպես կանգնած էր այն տեսակետին, թե Հայաստանում ու Ադրբեջանում գյուղացիական ռեֆորմի բովանդակությունը ավելի բուրժուական էր, քան Եվրոպական Ռուսաստանում (տե՛ս E. A. Мороховец, Крестьянская реформа 1861 г., М., 1937)։

շարք փոփոխություններից հետո 1912 թ. դեկտեմբերի 20-ին ցարը հաստատեց այդ նախագիծը:

Վերլուծելով այդ օրենքը, հեղինակը նշում է, որ այն չէր տարածվում Զաքաթալայի օկրուգի, Դաղստանի կախյալ գյուղացիների, ինչպես և Քիֆլիսի նահանգի խիզանների վրա: Այդ գրում է, որ կառավարությունը իրեն «օգնություն» Հայաստանի գյուղացիներին տալիս էր 8 միլիոն ռուբլի, իսկ հետո հավաքելու էր 15.900.000 ռուբլի, այսինքն մոտ կրկնակին, չնայած պետական այն հարկը, որը վճարելու էին «ազատագրված» գյուղացիները իրենց բաժնեհոգերի համար: Այդ ամենի հետևանքով Հայաստանի շինականները շարունակեցին մնալ կախյալ վիճակում նաև 1912 թ. հետո: Միայն ցարիզմի տապալումով նրանք կարողացան թոթափել մուլքադարական-կալվածատիրական լուծը և դառնալ իրենց հողերի տերը:

Գյուղացիական ռեֆորմի բովանդակության ու հետևանքների վերլուծումից հետո գիտնականը փորձում է որոշել նաև նրա տեղն ու դերը Հայաստանում կապիտալիզմի զարգացման գործում: Այս նպատակով նա համեմատում է կալվածատիրական ու պետական գյուղացիների թիվը և սրանց օգտագործման տակ եղած հողերի տարածությունները և ցույց է տալիս, որ առաջինները կազմում էին երկրի ամբողջ գյուղական բնակչության 19 տոկոսը, իսկ նրանց հողերը՝ երկրի պիտանի հողերի սոսկ 7 տոկոսը: Այստեղից իրավացիորեն եզրակացնում է, որ Հայաստանում «գյուղացիական ռեֆորմը չէ կարող էի լինել շատ զգալի դեր խաղալ գյուղի տնտեսական զարգացման մեջ կապիտալիստական ուղղությամբ. մանավանդ էրև շմոռանալ իր տեղում նշված այն էական հանգամանքներ, որ Անդրկովկասի այդ երեք նահանգների (խոսելով Երևանի, Ելիզավետպոլի և Մանգլիսի նահանգների մասին է—Ա. Հ.) ռեֆորմի մեջ պահպանվեցին նորատիրական շատ գծեր և ամենից առաջ այդտեղ շիրագործվեց գյուղացիական հողարածելի հետզետումը. և ժամանակավոր կախյալ կիսանորտական դրությունը գյուղում գրեթե անխախտ մնաց ևս ամբողջ շուրս տասնամյակ» (111—112, բնագծումը մերն է—Ա. Հ.):

Քանի որ պրոֆ. Վ. Հ. Ռշտունին իր անցյալ աշխատություններում այս եզրակացությունը չէր ձևակերպել, պատմաբաններից ու տնտեսագետներից ոմանք ուղղակի կամ անուղղակի նրան են վերագրում այն միտքը, թե իբրև Հայաստանում կապիտալիստական հարաբերությունների առաջացման ու զարգացման վճռական դերը պատկանում է գյուղացիական ռեֆորմին, Այս հեղինակները, շփոթ մտցնելով գիտություն, մեջ, այնուհետև մարտնչում էին իրենց իսկ

ստեղծած ֆանտազիայի դեմ: Հեղինակը սույն ձևակերպումով որոշակիորեն հայտնում է իր տեսակետը ռեֆորմի դերի մասին կապիտալիզմի զարգացման գործում և վերջ դնում նման թյուրիմացություններին:

Պատմաբանը գտնում է, որ XIX դարի երկրորդ կեսին, հատկապես վերջին տասնամյակներում, կապիտալիստական հարաբերությունները այնուամենայնիվ թափանցում են գյուղ, արմատավորվում ու զարգանում: Նա ցույց է տալիս, որ այդ պրոցեսի առաջադարձիկները հանդիսանում են ոչ թե տեղական հողատերերը (ընդհակառակը սրանք սեփական տնտեսությունը չվարելով նույնիսկ քայքայվում են), այլ գլխավորապես գյուղական հարուստներն ու մասամբ ուսական արդյունաբերական ձեռնարկությունների ներկայացուցիչները կտմ պաշտոնյաները: Ընդդեմ է, որ այդ հարուստները շատ հաճախ առևտրա-վաշխառուական գործունեությունը զուգակցում են իրենց ձեռնարկական գործունեության հետ, որի հետևանքով նոր առաջացող բուրժուական հարաբերությունները միահյուսվում են միջնադարյան կապալային հարաբերություններին: Արժեքավոր է հեղինակի նաև այն եզրակացությունը, որ կապիտալիստական հարաբերությունները հայկական գյուղում XIX դարի 90-ական թթ. ավելի էին զարգացած, քան նախորդ շրջանում: Նա ցույց է տալիս, որ այդ հարաբերությունների առաջընթացին խոչընդոտում էին ոչ միայն ֆեոդալիզմի բազմաթիվ մնացուկները, այլև ցարիզմի զաղութային քաղաքականությունը: Կովկասյան իշխանությունները հաճախ հայերին մերժում էին մեծահանդակ տարածությունների վարձակալումներ տալը, երկյուղ կրելով, որ նրանք կարող են իրենց ձեռքը վերցնել ծայրերկրի տնտեսական քարձուները:

Վ. Ռշտունին իր աշխատության մեջ զգալի տեղ է հատկացնում նաև գյուղացիական շարժումներին և նշում է, որ շինականները ռեֆորմից թե՛ առաջ և թե՛ հետո պայքարում էին շահագործման գերազանցապես ֆեոդալական ձևերի դեմ ու շնայած արիություն ու տոկունություն էին ցուցաբերում, բայց և այնպես պարտվում էին, որովհետև նրանց ելույթները տառապում էին այն թերություններով ու բացելով, որոնք հատկանշական էին ամբողջ Ռուսաստանի գյուղացիական շարժումներին: Հեղինակը թեև լուրջ գործ է կատարել Հայաստանի գյուղի աշխատավորների դասակարգային պարբերի պատմության ուսումնասիրության բնագավառում, բայց գտնում է, որ այդ ուղղությամբ դեռ քիչ բան է արված, և որ համառ ու տևական պրպտումների միջոցով հնարավոր կլինի նկարագրել Հայաստանի «գյուղացիության

երկու հատվածի (այսինքն՝ կալվածատիրական ու պետական—Ա. Հ.) պայքարի պատմության զոհացուցիչ պատկերը» (247):

Հեղինակն այնուհետև անդրադառնում է հայ հասարակական-քաղաքական հոսանքներին և ցույց է տալիս, որ նրանք հողային հարցի լուծմանը մոտենում են ըստ էության երկու տեսակյունից՝ իրենալիզմի և հեղափոխական դեմոկրատիզմի: Իրանցից առաջինը կարող էր հանգեցնել կապիտալիզմի զարգացման պրոսական, իսկ մյուսը՝ ամերիկական ուղիներին: Լեպանշում է, որ անկախ այդ մտածողների ցանկությունեն. իրից, հանգամանքներն այնպես դասավորվեցին, որ Հայաստանում, ինչպես և Ռուսաստանի մեծ մասում կապիտալիզմի զարգացումը դեռաց պրոսական ուղիով:

Մենագրության մեջ գիտական լուրջ արժեք է ներկայացնում նաև այն բաժինը, որտեղ ամփոփվում են սովետական պատմաբանների ու տրեստեսագետների կարծիքները Հայաստանում գյուղացիական ռեֆորմի և կապիտալիզմի զարգացման մասին: Հեղինակը անհաջող է համարում պրոֆ. Ն. Ծ. Թումանյանի այն ձևակերպումը, որից ստացվում է, թե Անդրկովկասի ռեֆորմը հանդիսանում էր արևելքի շուկաներում ցարիզմի վարած գաղութային քաղաքականության արդասիք: Համամիտ չէ պրոֆ. Մ. Հ. Ադոնցի այն կարծիքին, որ իբրև Ռուսաստանի ժայռամասերում, հատկապես Լեհաստանում ծավալված գյուղացիական շարժումները ստիպեցին ցարիզմին ռեֆորմ անցկացնել նաև Անդրկովկասում: Մերժում է Մ. Եսայանի, Խ. Ավդալբեկյանի և Մ. Ե. զանյանի այն պնդումը, թե 1870 թ. մայիսի 14-ի կանոնադրությունը չի կարելի ռեֆորմ համարել: Համաձայն չէ Խ. Ավդալբեկյանի այն հայտարարության հետ, որ իբրև Հայաստանում, մասնավորապես XIX դարի 40-ական թթ., գոյություն չեն ունեցել ճորտության տարրեր և այլն:

Այս առարկումները պետք է հիմնականում ճիշտ համարել, քանի որ ռեֆորմի պատճառը Անդրկովկասում ոչ թե ցարիզմի արևելքում վարած քաղաքականությունն էր կամ կայսրության

այլ ժայռամասերում ու Լեհաստանում ծավալված գյուղացիական շարժումները, այլ ցարիզմի վերցրած ընդհանուր բուրժուական վերափոխումների կուրսը, Անդրկովկասի տնտեսական վերելքն ու գյուղացիական պայքարի ուժը: Որքան էլ որ 1870 թ. մայիսի 14-ի կանոնադրությունը պահպաներ ֆեոդալական հողատիրությունը, շինականների շահագործման միջնադարյան ձևերը և արտատնտեսական հարկադրանքի տարբերակները, այնուամենայնիվ, դա ռեֆորմ էր, քանի որ իր մեջ պարունակում էր բուրժուական գծեր և փոքր ինչ պայմաններ էր ստեղծում կալվածատիրական գյուղում կապիտալիստական հարաբերությունների զարգացման համար:

Պրոֆ. Վ. Հ. Ռշտունու աշխատությունը հանդիսանում է արժեքավոր ներդրում մեր պատմագիտական գրականության մեջ: Այն գրված է փաստական հարուստ նյութի հիման վրա և հատկանշվում է գիտական խոր վերլուծումներով ու կարևոր ընդհանրացումներով: Ծրկար ու ձիգ տարիներ ուսումնասիրելով Արևելյան Հայաստանի XIX դարի կալվածատիրական գյուղի ագրարային հարաբերությունները, դեռ 1940-ական թթ. նա բնութագրել էր դրանց հիմնական էությունը: Նա արագրելով «Ուրվագծերի» Ա և Ի մասերը, հեղինակն առիթ ունեցավ ամփոփել ագրարային հարաբերություններով զբաղվող մասնագետների վերջին երկու տասնամյակների ձեռք բերած նվաճումները, գատել ճիշտը սխալից, վերացնել նաև սեփական թերությունները: Այժմ կարելի է ասել, որ հեղինակի սույն մենագրությամբ համարյա սպառվում է Հայաստանի կալվածատիրական գյուղի XIX դարի հողային հարաբերությունների ուսումնասիրությունը: Մասնագետներն այնուհետև պետք է ֆունդամենտալ աշխատություններ ստեղծեն նաև Հայաստանի գյուղացիության ամենաստվարմասի՝ պետական գյուղացիների, ինչպես և ավելի փոքր գանգվածի՝ վանքապատկան շինականների պատմության վերաբերյալ:

Պատմ. գիտ. դոկտոր Ա. ԶԱՄԲԱՐՅԱՆ

Р. А. АБРАМЯН, Армянские источники XVIII в. оБ Индии, изд. АН Арм. ССР, Ереван, 1968, 295 стр., цена 1 р. 16 к.

Ի. Ա. ԱԲՐԱՄՅԱՆ, XVIII դարի հայկական աղբյուրները Հնդկաստանի մասին, ՀՍՍՀ ԳԱ հրատարակչություն, Երևան, 1968, 295 էջ, գինը 1ռ. 16 կ.:

Հայ գաղթաշարժների պատմության մեջ կարևոր դեր է կատարել Հնդկաստանը: Ուշ միջնադարում, երբ պատմության շեմին ալդ

երկրում հիմնված հայկական գաղթաշարժերը մեր ժողովրդի հասարակական-քաղաքական ու մշակութային կյանքում խոշոր հետք են թողել: